

# INUIT ATAQATIGIIT

## Inatsisartuni



UKA 2020/197  
14. oktober 2020

Múte Bourup Egede

**Namminersorlutik Oqartussat ingerlatseqatigiiffiutaanni aamma tamakku ataanni ingerlatseqatigiiffinni siulersuisuni ilaasortat akissarsiaqartinneqalernissaannut politikkip kaajallaasitanngortinneratigut pisortatigoortunngortinneqarnissaa pillugu Inatsisartut aalajangiiffigisassaattut siunnersuut.**

### (Naalakkersuisut Siulittaasuat)

Inuit Ataqatigiit isumaqarput nunatsinni pisuussutivut pigisavullu naapertuilluartumik inuiaqatigiinnut agguanneqarlutik iluaqutigineqartuartaqartut.

Namminersorlutik Oqartussat suliffeqarfiutaat, tassa inuiaqatigiit tamatta suliffeqarfiutivut pilersitaapput inuiaqatigiinni aaqqissuusaanitsinnut, inooriaasitsinnut nunaqariusitsinnullu pitsaasuumik tunngavisseeqataasussatut.

Suliffeqarfiutitta siulersuisuini ilaasortat akissaataasa kaajallaasitaq aqqutigalugu pisortatigoortunngornissaat Inuit Ataqatigiit taperserpaat.

Piginnittummi, tassa nunatsinni innuttaasut tamatta ammasumik takusinnaasariaqarparput suliffeqarfiutitsinni aningaasartuutit sinaakkusiunneqarsimasut qanoq ittuunersut. Kialluunniimmi aamma arajutsisimagunangilaa, inuiaqatigiit ingerlanneqarnitsinni isertuaatsumik ammasumillu ingelatsisoqarnissaanik Inuit Ataqatigiit pingaartitaqartut.

Manna iluatsillugu suliffeqarfiutivut pillugit oqaatigisaqarumavugut.

Naqissuserumavarput inuiaqatigiit suliffeqarfiutitta pisariaqanngitsumik amerliartuaarusaarnissaat pissusissamisoortutut isiginnginnatsigu. Isumaqarpugullu maanna suliffeqarfiutivut assigiikannersumik suliaqartut kattussinnaanerat pisariaqalersoq.

Assigiikannersumimmi suliallit assersutigalugu allaffissornikkut siulersuisoqarnikkullu immikkut aningaasartuuteqartinngit kattunnerisigut pisariaqanngitsumik aningaasartuutasinnaasut sipaarneqarsinnaammata, inuiaqatigiillu piginnittuusut pigisaat isumatusaarnerusumik atorneqarlutik.

Suliffeqarfiutittattaaq sumik ingerlataqarneri siunertaalu aallaavigalugit, piginneqatigiiffittut aaqqissuusaanerit qanoq ittut naapertuunnerpaajunersut oqallisigilluartariaqaripput isumaqarpugut. Ullumikkummi suliffeqarfiutitta ilaat selskabiunngitsut, danskisut nettostyrede virksomheder, soorlu Nukissiorfiit aamma Mittarfeqarfiit kiisalu aktieselskabitut tunngavilikkat, soorlu Royal Greenland, Royal Arctic Line aamma Kalaallit Airports kiisiisa aallaavigalugit aaqqissuussinerit ilaneqarsinnaanerit eqqarsaataasariqarsorigatsigu. Tassanilu aaqqissuusseriaaseq SOV-iimik taaneqartartoq piukkunnarsiinnaasutut innersuukkumallutigu.

# INUIT ATAQATIGIIT

## Inatsisartuni



Taamak naatsumik oqaaseqarluta siunnersuut sukumissumik ataatsimiitsitaliami susassaqartumi suliassanngortipparput.